

TEZĂUR LITURGIC

21 APRILIE

**ACATISTUL
SF. ÎMPĂRĂTESE-
MUCENIȚE
ALEXANDRA
DE LA
NICOMIDIA**



MOSCOVA, 2000



Акафист мученице царице Александре Римской

Кондак 1

Избранней от рода царского к славному подвигу исповедания мученического, похвальная воспоим мужественной защитнице нашей царице Александре, память честно твою почитаючи, ты же от всяких нас бед спаси и к Царю царей приведи, Ему же вкупе со славным Победоносцем Георгием предстоиши, да зовем ти:

Радуйся, мученице славная, царице Александро!

Икос 1

Ангелов и человеков Творец и Создатель, Имже цари царствуют и дается всякая власть человекам, времена и сроки в своей власти Положивый и вся ко спасению устрояяй, провидя верное сердце твое, готовое к восприятию Истины, Иже есть Господь наш Иисус Христос, избра тебя, царице Александро, от царского служения к славному подвигу исповедования мученического. Сего ради мы, дивяся Премудрости Божией и славному подвигу страданий твоих, зовем ти таковая: Радуйся, от славного царского служения к

подвигу мученического исповедания
призванная!

Радуйся, от трона царского земного в Царствие
Небесное прешедшая!

Радуйся, земное царство тленное без сумнения
на Царствие Небесное сменившая!

Радуйся, за то в объятия Отческие с отеческой
любовию Отцом Небесным восприятая!

Радуйся, мученице славная, царице Александро!

Кондак 2

Видя гонение на христианы нечестивого мужа
своего Диоклетиана и славныя чудеса
великомученика Георгия, силою Божией силу
дьяволу поправшего, не убоялася еси гнева
царского и мучительства, но мужественно
Христа исповедала еси, Тому глаголя: Аллилуйя!

Икос 2

Разум ко спасению и Божиих тайн разумению
дал тебе Царь Небесный Христос Бог наш,
славная мученица премудрая царице
Александро, да видеви чудеса великомученика
Георгия, твердым умом исповедовавшего
Премудрости и смыслов Подателя, не убоялася
еси ни прещений, ни гнева царева, но от всея
души и сердца исповедовала Христа Бога: «Боже
Георгиев, помози ми, яко Ты еси Един
Всесилен». Сего ради, похваляя твое высокое

любомудрие и славное и мужественное
исповедание Истины, Иже есть Господь наш
Иисус Христос, зовем ти сице:
Радуйся, всем сердцем Истину Христову
восприявшая!
Радуйся, всенародным исповедованием Ея
запечатлевшая!
Радуйся, безумное идольское нечестие перед
своим народом обличившая!
Радуйся, за то венец небесный восприявшая!
Радуйся, мученице славная, царице Александро!

Кондак 3

Сила Вышнего осени тя и благодать Духа
Святаго проникла в сердце твое, мученице
мужественная славная царице Александро, егда,
видя вольное страдание и сланое исповедание
истины великомученика Георгия, егоже не
смогли поколебати ни мучения, ни прещения
безумного мужа твоего, иже, яко аспид глухий,
закрыша очи и заткнул еси уши своя, не желая
ни видети, ни слышати истины, Иже есть
Господь Иисус Христос, Ему же ты ныне с
виновником спасения твоего Георгием в
Царствии Того предстоя, всегда поеши сице:
Аллилуйя!

Икос 3

Имуще сердце сострадательное и истине душу открытую, небоязненно ту исповедовала еси, мужественная царице Александро, за нее же мужественно суетной славы земной, почестей и царствия земного лишение, в темничныя узы заключение и самой жизни лишение мужественно претерпела еси, ныне в Царствии Небесном Царю всех предстоиши, за Него же мучения претерпела еси, сего ради вопием ти: Радуйся, за истину мучения и жития лишение претерпевшая!

Радуйся, тленный венец царствия земного на нетленный без сомнения переменившая!

Радуйся, полк мученический своим в него прибытием вовек возвеселившая!

Радуйся, Священный Рим от тьмы нечестия к истине Христовой обратившая!

Радуйся, мученице славная, царице Александро!

Кондак 4

Бурею злобных лукавых помышлений одержим, яко аспид глухий, не желающий вести Истины, Иже есть Господь наш Иисус Христос, нечестивый император Диоклетиан в защиту языческого нечестия воздвиже гонения на христиан. Темже и верного раба своего храброго воина великомученика Георгия страшным злобным мукам со злобой велию

предати повелел еси, и тебя, верную супругу свою, царицу Александру, прилюдно исповедавшую Истинного Бога, никакo же пожалел еси, но в лютом ослеплении своем страшной смертной казни вместе с воином Георгием предал еси, не ведая пети: Аллилуйя!

Икос 4

Слыша о гонениях на христиань, славный великомученик Георгий нимало убоялся еси, ниже смутился духом, но ревностью по Бозе распаляем Христа яко Истинного Бога и себя яко верного Того раба, пришедшего по своей воле свидетельствовать о Истине, Иже есть Господь наш Иисус Христос перед членами сената и самим императором исповедал еси. Сего славного свидетельства ради, видя чудеса, ради исповедания Георгиева Творцом всех чудес по молитвам того творимых множество народа в Истину увероваша и Христа яко истинного Бога исповедаша. И ты, мужественная царица Александра, Христа яко Воплощенную Истину пред всем народом премудро исповедала еси: «Боже Георгиев, помози мне, яко Ты Един всесилен». Сего ради прими от нас, недостойных, похвалы сия, поющих ти реша: Радуйся, славным исповеданием Истины безумное заблуждение своего мужа обличившая! Радуйся, тем славным исповеданием себя в

служении Истине вовеки утвердившая!

Радуйся, царем земным и мужем нечестивым за Истину неправедно отверженная!

Радуйся, Царем царей Небесным за то с Отеческой любовью в Отечестве Небесном восприятая!

Радуйся, мученице славная, царице Александро!

Кондак 5

Боготечной звезде подобно явися небоязненное исповедание Истины славного великомученика Георгия в древнем языческом Риме перед властями того являемое, да все вернии, вкупе с тобою, славною царицею Александрою, уведев сия, воспоют Христу яко Богу, лукавым сим миром Гонимому: Аллилуйя!

Икос 5

Видеша чудеса, всех царей Царем по молитвам раба своего славного воина и великомученика Георгия творимыя, ни убоялася еси, ниже смутилася духом, славная царице Александра, но трепетно и мудро сердце свое к восприятию Истины отверзла еси, до самыя мученическия смерти верность свою Той запечатлев. Сего ради прими от нас похвалы сия, вопиющих ти с любовью таковая:

Радуйся, от славного царского служения Царю Царей в служение восприятая!

Радуйся, порфиру царскую премужественно на
ризу мученическую сменившая!

Радуйся, лишившись царского, но тленного
венца, венцом нетленным царственным
увенченная!

Радуйся, тем утверждением Рима как Царя
царей Престола ввеки ставшая!

Радуйся, мученице славная, царице Александро!

Кондак 6

Проповедницы славныя милости Божия, в
царстве ветхом языческом Римском являемое,
быша все видевшие славное исповедание твое,
мужественная царице Александро, яже,
проповедавши всем Христа яко Бога, Иже Един
всесилен, оставиша мужа твоего Диоклетиана в
жестокосердном добровольном ослеплении своем
яко буесловна, не желающа вести Истины, Иже
еси Христос Гонимый, дабы пети Тому:
Аллилуйя!

Икос 6

Возсиявый в ветхом языческом Риме славный
исповедник Истины великомученик
Победоносец Георгий, иже отгнал еси языческие
идольския лжи тьму, идоли бо, в них же бесы
живяше, не терпящии того исповедания, с
велиим позором падоша и изгнаны быша, да все
вернии, видяще сия, прославят Истинного Бога.

Ты же, верная царице Александро, бегая бесовския тьмы обольщения, покоришася истине и склониша благородную выю свою перед Истиной – Творцом и Создателем всяческих. Сего ради, ублажая премудрость твою, вопием ти:

Радуйся, прелести идольския тьму обличившая!

Радуйся, Истине сердце открывшая!

Радуйся, всенародным тоя исповеданием в служении Истине вовеки себя утвердившая!

Радуйся, вседерзновенно своим исповеданием

Путь в Царствие Истины верным открывшая!

Радуйся, мученице славная, царице Александро!

Кондак 7

Хотя от нынешнего сего века прелестного прейти в немеркнувшее Царствие Истины, Иже есть Господь наш Иисус Христос, славный великомученик Победоносец Георгий не убоясь, ниже смутился еси духом, но по слову вся Создавшего Словом вся имения своя нищим раздав, на мучения, яко на брачный пир, мужественно явился еси, поя всех Жениху, Ему же себя вовеки уневестила еси: Аллилуйя!

Икос 7

Новую ты показа славную исповедницу Истины Христос Бог наш, Иже есть Путь, Истина и Жизнь, о мужественная царице Александро,

Иже по молитвам славного раба Своего
великомученика Победоносца Георгия велия
чудеса в ветхом в ослеплении своем
заматеревшем языческом Риме преславно явил
еси, ты, видев чудеса сия яко несомненное
свидетельство Истины, блаженно Ту Истину в
сердце своем восприявше, до самыя славныя
мученической смерти свое исповедание
запечатлела еси. Сего ради воспеваем твое
мужественное исповедание, вопиюще:
Радуйся, от языческого нечестия к истине
сердце обратившая!
Радуйся, тем сердца верных возвеселившая!
Радуйся, небесное воинство преславно собой
удивившая!
Радуйся, вовеки сердца верных римлян в Христе
утвердившая!
Радуйся, мученице славная, царице Александро!

Кондак 8

Странно и дивно бысть не токмо всем
подданным Державы Римския, но и самому
воинству Небесному преславное исповедание
твое, о мужественная царице Александро: како
от славного венца царствия земного ради
истины Христовой отреклася еси, славу, честь,
богатство, свободу и саму славную жизнь
земную в богатых чертогах царских ни во что же
вменив, на венец мученический вся сия ради

Истины доброхотно пременила еси, Истину Христову перед законно преданным тебе народом Римским и самим мужем твоим беззаконным Истины гонителем Диоклетианом преславно исповедала еси, вопиюще Тому: Аллилуйя!

Икос 8

Всем бо сердцем твоим и славною душею твоею в горняя устремилася еси, о славная царице Александро, но и нижних никакоже оставила еси, ради ближних клевет и подданных своих Истину Христову преславно исповедала еси, несправедно царского венца лишенная, в Царствии Небесном преславный нетленный венец восприяла еси. Сего ради слышиши от нас сия:

Радуйся, от всей души и разума свое сердце к Богу устремившая!

Радуйся, от благ житейских тленных сердце отвратившая!

Радуйся, яко благ нетленных в Царствии Небесном ныне непрестанно наслаждаешься!

Радуйся, и нам, меньшим братьям твоим, этих благ сподобитися Царя царей усердно умоляеши!

Радуйся, мученице славная, царице Александро!

Кондак 9

Всякое естество ангельское удивися твоему славному исповеданию, блаженная царице Александро: како безумной царской власти прещений не убоявися, Царю царей, Имже цари царствуют и дается всякая власть человекам, дивное премудрое послушание явилала еси, от тленного Римского царствия отрешився, Царствие Небесное преславно наследовала еси, славу земную тленную премудро оттрясши, славу небесную вечную наследовала еси, идеже ныне в сиянии вечныя славы Царю Славы вовеки поеши: Аллилуйя!

Икос 9

Ветия многовещанная, яко рыбы безгласная, зрим о тебе, славная царице Александро, недоумеют бо, како по долгу восхвалити подвиг твой и преславное исповедание твое, мученице премудрая Христова, мы же, дивяся мужественной мудрости твоей, верно вопием ти: Радуйся, своим мужественным исповеданием всех граждан Рима удивившая! Радуйся, от идольского тьмы нечестия сердца всех верных отвратившая! Радуйся, бывший капищем языческим Рим Ветхий Небеса стяжати устремившая! Радуйся, все воинство Небесное преславным

исповеданием своим возвеселившая!
Радуйся, мученице славная, царице Александро!

Кондак 10

Спасти хотя Рим, в древнем языческом
идолопоклонстве погрязший, всех Творец и
Владыка послал еси славных исповедник своих,
проповедующих имя Того Святое и славное
спасительное учение Его. Среди них и славный
великомученик и Победоносец Георгий чудесами
своими преславно просиял еси, к исповеданию
Истины подвигая всех верных, среди них же и
жена нечестивого гонителя истины славная
исповедница царица Александра также
просияла еси, Творцу и Создателю всех поя
вкупе с Победоносцем Георгием победную песнь:
Аллилуйя!

Икос 10

Стена еси всем истине служить хотящим и к
помощи твоя прибегающим, славная
исповеднице Христова верная царице
Александро, ибо Царь царей и всех Творец и
Владыка избра тебя в славную исповедницу
Истины, Иже есть Господь наш Иисус Христос,
Иже приглашати тебе научи:
Радуйся, славная служительнице Истины и
исповеднице Христова!
Радуйся, всем служащим Истине и за правду

терпящим преславная помощнице!

Радуйся, неправедных гонителей пред Богом
обличительнице!

Радуйся, у властей земных стяжати милости
отчаявшихся верных покровительнице!

Радуйся, мученице славная, царице Александро!

Кондак 11

Пение тебе с небеси надлежит быти приносимо,
а не от земли, мученице славная, мужественная
исповеднице царице Александро: како, царицей
славною по праву быв, от звания царского и
самой жизни преславно отреклася еси, царские
чертоги на темницу мрачную, жизнь преславную
на исповедание мученическое сменив, темже
венец царствия Рима тленного на венец
неувядаемый Царствия Небесного Иерусалима
преславно сменила еси, идеже Царю царей
во веки вопиеши: Аллилуйя!

Икос 11

Светозарную свещу, во мраке царствия
языческого Рима ветхого заката сущую, зрим
тебя, о мученице славная и исповеднице
пречудная царице Александро, иже наставляет к
разуму Божественному вся, во мраке жития сего
сущих, зарею света Царя всех просвещающая,
сего ради по праву званиями почитаемая сими:
Радуйся, истины Христовой светом разум

просвещающая!

Радуйся, путь к Царствию Небесному всем
верным освещающая!

Радуйся, не тленного, земного, а Небесного
искати вразумляющая!

Радуйся, в истине Христовой начало и конец
всех смыслов полагающая!

Радуйся, мученице славная, царице Александро!

Кондак 12

Благодати источник неисчерпаемый яви тебя
всех благодати Податель, о мученице славная
премудрая царице Александро: воистину бо
защитницей славной народа своего явилася еси,
утверждая всех верных житием своим в Истине
Царя и Бога нашего, Иже слышит о тебе:
Аллилуйя!

Икос 12

Поем ныне милость всех Царя – Творца и Бога
нашего, Иже яви тебя славную премудрую
исповедницу Свою, вразумив, на Путь Истины
Своея наставив и научи вопити тебе всех:

Радуйся, царице славная, служительнице всех
Царя!

Радуйся, яко воистину защитницей всех верных
перед Царем царей являешия!

Радуйся, яко в честь имени твоего святого в
мире христианском храмы и дщери верных

нарицаются!

Радуйся, яко народу русскому защитницу -
царицу, именем твоим по праву нареченною,
Царь царей преславно возвеличил еси!

Радуйся, мученице славная, царице Александро!

Кондак 13

О, священная жено, мученице славная и
исповеднице мужественнейшая чудесная
царице Александро! Нынешнее наше прими
приношение, от убожества нашего тебе
творимое, не возгнушайся немощей, грехов и
малодушия нашего, но избави нас от всякия
напасти в мире сем, прелюбодейном и грешном,
егоже преславно в житии твоём отрешилася еси,
а наипаче будущия вечныя изыми муки и
сподоби Царю всех, Ему же ныне ты престоиши,
вкупе с тобою вовеки воспевати: Аллилуйя!

Этот кондак читается трижды, по сем 1-й икос
Ангелов и человеков Творец и Создатель... и 1-й
кондак Избранней от рода царского...

Молитва

О, священная жено, мужественнейшая
исповеднице и преславная людей защитнице
славная царице Александро! Милостиво призри
на нас, подданных верных твоих, от земного
жития сего, скверного, прелюбодейного и
грешного, его преславно в житии твоём

отреклася еси, малое сие моление тебе приносящих! Не возгнушайся греховных язв, а наипаче малодушия нас, грешных раб твоих, к падшему миру сему привлеченных! Умоли Господа нашего Иисуса Христа, просветити разум наш светом истины и любви Христовой и Тому Одному служить. Сподвигни на молитву о нас, недостойных и грешных, славного великомученика Георгия Победоносца, с нимже ты Царю всех предстоиши, и буди вкупе с ним славной защитницей нашей, да славной вашей помощью охраняемы, сподобимся избежать всех бед и напастей лукавого жития сего и тако, сетей его избежав, достигнути тихой гавани спасения нашего и вкупе с вами вовеки славить неизреченной милосердие Царя и Создателя нашего во веки веков. Аминь.

